

國家圖書館分館編

清代孤本方志選

(第一輯第二十三冊) 湖北 武昌縣志「康熙」八卷

康熙十一年纂定

武昌縣志

庾樓藏板

大

昌

報

志

清
照
一
年
卷
之
一

貞
謝

謝
文
能

二

武昌縣志序

稽古圖籍首收風土隨記

舉湖山縣邈曠代菁華不

越戶庭內一展翫焉粲若

列眉是以

聖君贊相奠疆酌賦望秩任

官以迄風氣淳龐人文蔚

茂煥然覩玉帛車書之盛

者咸以脩志爲首務焉武
昌雖巖邑乎曩屬孫吳故
都嗣稱歷代重鎮山川人
物均擅勝名以故游覽詠

吟者踵轉雲集但時異勢
殊倏爲樂國倏爲戰場竟
未創築城垣至明萬曆初
始建磚城民享耕漁之利

士盈絃誦之聲庶幾哉獲
寧宇矣柰明末遭獻逆作
祟蹂躪叠經盤踞會城不
時往復雉堞則剝落矣廬

舍則灰燼矣祠宇則丘墟
矣田疇則蕪而石矣黔首
則刃而燐不則潰而散矣
流離顛頓莫可名狀幸我

清鼎定與民休息出湯火而

衽席之顧大軍之後不無

凶年庭羸之餘詎能霍起

卽向來司牧茲土者加意

撫摩振刷弗克環至立効
襪材如登謬膺尹綬於丙
午仲夏星馳來任則見城
之內外剝落者猶然左傾

右圯也灰燼者猶然丹楹
白荻也丘墟者猶然斷瓦
零礫也地利未盡塞而累
歲逋賦不下萬餘轉徙雖

漸歸而額徵混淆互相訐
訟登於焉遂作夜思惓然
太息曰傷哉武民也譬雛
鳥新飛豈可輕傷其羽如

弱條初植尚須亟沃其根
欲舉一切病民者爲民除
利民者與民興又慮泉深
綆短肘掣維艱乃幸

諸上臺念茲痾瘵勤加體
恤諸允詳請代爲呼籲者
朝陳情而夕俞可故武邑
士民至今日復樂耕漁還

安絃誦漸有起色矣獨是
龜勉馳驅七閱寒暑大槩
不無補苴百廢猶艱具舉
如邑乘一端所以昭雲漢